

10 Niiorí:wake- Kahonweishón:'a aorí:wa

Tsiohsérá'tshon ne Korahrónon énska tewen'niá:we tánon kaié:ri niwáhsen (140) nihá:ti rati:skohs kaniatara'kéhson tsi ratihoniónkie's. Sénha iotká:te ronónkwe. Iotahkwáhsa tsi sénha í:si' nón:we ne 90% kí:ken ronón:kwe ronnenhé:ion ronwatiia'ta'tshén:ron iáhte hona'tston ne Ionta'kerákhwa (lifejacket). Ronakiohkwá:nen iah thahonnenhé:ion téwa ahona'tston ne Ionta'kerákhwa.. Tho na' teitonthwentsiohon tsi nioht ne ká:sere akia'táhnha (seat belt). Enhsakia'táhn:hake netsi iahkhia'taesaié:rihse tewa' teniesa'serehtó:ia'ke. Nó:nen kaniatara'kéhson shoniónkie, tho kí' nioht tsi sanonhtón:nion. Sakiá:tawi't.

Sehsakoti'hskókwas Raotikióhkwa (The Lifesaving Society) rotihá:ton Oié:ri niioríwake ne aesewehiárake nónen á'kta ne Kahonweia'shón:'a Kí:ken Akennháke tá:we.

1. Téwa' sótsi iohné:kano, ensárohte. Satateweiennenta'ón:ha'k. Kíóhtkon í:satst ne Ionta'kerákhwa.
2. Tóhsa téhsheshst ne teiako'nikonhraté:nie's tánon Kahonwe:ia'. Tsi'k ienhsrá:ho thó:ne ó:nen ehsnekí:ra.
3. Saterién:tara'k ohniwenhnisero'ténhakie ohén:ton tsi tsi nioó:re enhsathonwá:reke.
4. Sewennahnó:ten ne kahiatón:nion ne Hydro electric stations tanon dams. Ióhtteron. Né:e'kne mínet khó'k nikarí:wes tenwa'tté:ni ne awén:ke ne'tho nón:we. Tóhsa á'kta' nienhéhse ! Sá'thi ne' Tho ! Se'nikón:rara'k !
5. Se'nikón:rara'k tsi nioht enhsató:ri ne kahonwé:ia kowá:nen kanontsistá:here. Tóhsa' tenhsaré:ren tewa' ionontahró:nion ne kaniatará:ke.
6. Sákien ! Wakié:sen ne enhsathonweiakahrha'tho tewa' ken'niwa:'a ne sahonwé:ia, onáke tewá:ni kayak tsiá:ti.
7. Satateweiennonta'ónha'k. Ia'tekaié:ri ken saiénaien. Ionta'kerákhwa'shón:'a ia'tekaié:ri tsi ní:kon í:wa.
8. Saiénta'k ne teiehtharáhkwa tánon waterennótha/tkarihowaná:tha (radio).
9. Kíóhtkon óhnhka'k shehró:ri ka'nón:we wáhsé tánon tsi nikahá:wi enséhsewe.
10. Satéweienhst. Serénhha'n tsi néhnsiere tewa óhnhka'k eniéhsko'ne.

**Sehsakoti'skókwas Raotikióhkwa kiesá:wi kí:ken kahiatón:nion. Tánon ne Ontario
Power Generation. Téwa' shé:kon í:hsere aiesató:kenhse' tho niahá:se ne
www.lifesavingsociety.com.**